

ЛЕНИНЭНЬ КИЯВА

Эрзя-мокшонь ВЛКСМ-нь обкомонь газетазо

„ПО ЛЕНИНСКОМУ ПУТИ“

Газета Мордовского обкома ВЛКСМ

ФЕВРАЛЕНЬ

26

чи, 1935 ие

№ 19 (389)

ЛКСМ:

5 цо но чинь ютази

Советэнь масторонь а изнявиця ванстыця

СССР-нь оборонань народной комиссаронь приказозо

Февралень 23-це чи, 27-це №, Москов ош, 1935 ие

Якстере армеецт командирт, ды политработникт ялгат! Покшт поздоровт тенк рабоче-крестьянской Якстере армиянь кемсисемгеце годовщинастонть.

Якстере армиянь кемсисемге иеть эрямонзо придовомась кандсь од покш касома сонзэ боевой виентень, эшо седеяк ламолгадсть ды парт кармасть улеми минек боевой оружиатне, эшо седеяк парсте ды кеместэ саизь сынст кедезэст Якстере армеецтне, командиртне ды техниктне, касы ве се минек ломантнень культурной уровенест, икеле ладсо сплоченнойстэ аштити минек боевой рядтне—весе трудиця ломантнень ине тевест—Ленинэнь ды Сталинэнь тевест ванстомантень.

Минек промышленностьсэ ды велень хозяйствасо технической реконструкциянь покшт успехтне,

минек масторонь трудицятнень покш мелест знания, культукас С С С Р-сэ социалистической строенть изнявксось, минек великой народонь эсинзэ армиязо вечкемась ды сонзэ кисэ заботась, конань знярдояк эзинзе сода весе мастортнень келес вейкеяк армия—вана рабоче-крестьянской Якстере армиянь. Кемекстамонь источник.

Якстере армиясь атак лотксе эсинзэ виензэ кастомасонть обязан робочеснь ды колхозникень, техникень ды ученоень, писателень ды художникень, минек масторонь весе парт ломантнень доблестной социалистической трудонтень, якстере армеецтень, командиртень ды политработникень, честной ды напряженной роботамосо, большевистской партиянь ды сонзэ ленинской ЦК-нтъ мудрой руководствантень.

Ды бутим Якстере армиясь эрямонь весе иетнестэ ульнесь виев анок чинзэ кувалт, штобу пев молеми ванстомс эсинзэ родной тевензэ, то ней, знярдо боевой революционной духось виевгавтозь боевой паро техникасонть, знанияйтнесэ, минек масторонь сюлав чисэнтъ, минь ней седеяк кеместэ аштитано; ванстано пролетарской границатнень.]

Карматано седеяк кеместэ ды маштозь, атак лотксе икеле пелевгак роботамо минек рядтнень, минек вийтнень кемекстамосо.

Советэнь Союзось атак сизе ды кеместэ вети борозамо мирэнтъ кисэ.



Но косто бу аволь кепете од боевой страда, минек ине покшт-тояк-покш масторонь народтне кадык кемить, што Якстере армиянь улит весе, мезе эряви сень кисэ, што сон минек партиянь, Сталинэнь руководстванть коряс изнясы коть кодамо врагонть ды ванстасы, эсинзэ родинанзо, ванстасы верей борозамосо саезь праванть, строямс од, валдо, социалистической эрямо.

Пингень перть а стувсынек минек ялгатнень, конат маштовсть гражданской войнань бойтнесэ!

Шумбра улезэ Робоче-Крестьянской Якстере армиясь—Советэнь масторонь а изнявиця ванстыцясь.

СССР-нь оборонань, Народной Комиссарось К. Ворошилов.

Васенсе конной армиянтень топодсть кеветее иеть

Васенсе конной армиянтень топодсть кеветее иеть. Тень кувалт СССР-энь Центральной Исполнительной Комитетсэ тейсь постановление, конаньсэ мерезь, што Васенсе конной армиянтень кеветее иень топодеманть ознаменованьянь теезь,—гражданской войнасонть эсь прасть геройкс неветемань кис, конной фронтоонть ды лия фронтизэ покш изнявксонь теемань кис, кода гражданской войнасонть, истязо мирнасто строямонь шкастонть Якстере армиянь боевой, политической ды технической подготовкасонзо сонзэ башка частнень, боецтнень, командиртнень ды политработниктнень пек покш заслугаст кис:

I. Каземс Ленинэнь орденсэ

1. Ворошилов лемсэ 4-це кавалерийской Ленинградонь Якстержнаменной дивизиянтъ.
2. Буденной лемсэ 6-це кавалерийской Чонгарской Якстержнаменной дивизиянтъ.
3. Морозов лемсэ 11-це кавалерийской Оренбургонь Якстержнаменной дивизиянтъ.
4. 1-це башка Особой Якстержнаменной кавалерийской Сталин лемсэ бригаданть.

II. Каземс васенсе конной армиянь организатортнень ды ветицятнень Ленинэнь орденсэ.

1. Ворошилов Климентий Ефремович ялганть, ССР-нь Союзонь оборонань народной комиссаронть. Васенсе конной армиянь РВС-нь икелень членанть.
2. Буденный Семен Михайлович ялганть, РККА-нь кавалериянь инспекторонть, Васенсе конной армиянь икелень командующеентъ.
3. Шапожко Ефим Афанасьевич ялганть, Фрунзе лемсэ РККА-нь дежурно начальникенъ помощникентъ политической частень кувалт Васенсе конной армиянь РВС-нь членанть.

Нетъ ялгатнеде башка, ССР-нь Союзонь ЦИК-есэ эсь постановлениасонзо казсь Красной звездань орденсэ 39 ломанть. Васенсе конной армиянь икелень пек паро боецт, командирт ды политработникт. Красной знамянь орденсэ казезь Плавнек Л. Я. Васенсе конной армиянь военной трибуналонь икелень председателентъ. ССР-нь Союзонь ЦИК-ень грамотасо казезь 47 ломанть,—Васенсе конной армиянь заслуженной командирт ды политработникт, конат РККА-нь кавалериясо службасть 15 иеде аволь седе аламо шка.



СТАЛИН ялгась сась васенсе конной армиянтень. Новый Оскол, 1919 ие.

ВАВИЛОВ художникентъ картинасто

Мокшэрзянь педтехникумонт сизить тонавтнемань программанть

Аволь пек умок каизь роботасть Саранскоень мокшэрзянь педтехникумонт директоронт Писклигинь сень кис, што сон эзь машто парсте аравтомс техникумонт роботанзо, эзь веть тонавтнемань (учебной) программанть топавтоманзо кис бороцямо, эзь машто те тевентень организовамс учительтнень, мекей ланг, ульнест истят факт, што мокшэрзя учительтне седейте севност рузтне марто, учитель-рузтне лепштыть мокшэрзя-учительтне лангс, севност снест эйсэ ды лият.

Весе тень кувалт пек беряньстемольсь тонавтнемась, кияк серезнойста а вавыл эзь тевензэ лангс ды а канлыль кодамояк ответственность. Студентне ютксоак ульнест эрва кодат а вадра мельпревть, сынгак эсть бороця парсте тонавтнемань кис. Руководителтнень, учительтнень ды студентнень ютксо допрок лепштызель критикась ды самокритикась. Беряньста, пек беряньста роботасть комсомолонь комитетсь, сон стувтошнине эсиная главной задачей—парсте тонавтнемань кис бороцямонть. Комсомолось допрок ульнест сезезь аволь союзной студентне эйстэ.

Тонавтнемань васень полугодиянь шкестонть (заниклатне самс) эсть ульнест пек ламо урок, секс, што а сакшныль учительтне, эли „середить“ эли эщо мексак. Секс 243-до седе ламо част овси эсть тонавтне. Тень эйстэ самай ушодовсь тонавтнема программасть сезеземазо. Ды седе мой лаяк, зярдо техникумонтень аравтоз од директор, зярдо седе вадрагасть учительтне ютксо отношениятне, яла теке тонавтнемань программанть ютамозо кувалт техникумось эщи эщо седейк покш прорывс. Тень кувалт корты се, што заникулатнеде мейле таго яла почти, эрва чисте кой-кона дисциплинатне коряс а эрить урок. Секс февралень 13-це чинть самс эсть тонавтне 214-де ламо част. Седейте эри истя, што, бути кодамояк дисциплинань коряс эзь са преподавател, сестэ сонзэ уроктнень полавтнить кодамояк случайной уроксо. Секс вееист предметне молить икелев, программастеак секень вант курок прядсыз, седе важной дисциплинатне жо кадовсть пек удавов. Зярдо ды кода арьси педтехникумось маштомс истямо прорывенть, кода сон карми бороцямо сень кис, штобу шкесто, парсте ды целане прядомс тонавтнемань программанть? Эрва видьста меремс—а содыть. Кортыть истя, што, кой-кона преподавательтне умок уш середить. Но ведь те аволь истямо серезной ответ, те ведь эщо седейк пек нейти, што тонавтнемань программанть техникумось сейс. Вемиль самотек лангс—ады, „кодак“, кодак пичить преподавательтне, эста тевенек туи. Тень лангс кемезь программанть сезить, а бороцить сень кис, штобу вейкек час а ютавтомс апаке тонавтне, кодаткак урок а сеземс, весе дисциплинатне коряс тонавтнема расписаниянь коряс. Тосо жо тейнить истямо расписания, косо кой-кона преподавательтнень теке жо шкестонть макстнить урок кавто курсо. Тень кувалт таго сезневить урок, ведь преподавателсь вейке шкесто не может ветьмс занятият кавто курсо. Тейнить истя, што преподавателсь моли кодамояк вейке курсов, омбоцесэнь жо тонавтиятнень сыжа

мост кадсыз, лиясто тест максить задавият самостоятельной роботань кис. лиясто жо тонавтиятне эзь мельсэст шкестонть ютавтиять.

Сех пек беряньста тевесь ашти математиканть, общественно-экономической ды лия дисциплинатне коряс. Общественно-экономической дисциплинатне коряс роботыть 6 преподавательтне ды весе сынь аволь постояннойть, урок сезневить, тонавтытьк а истя, кода эрва. Аволь пек умок директорсь Моисеев тердсь совместительствань коряс роботамо медтехникумонт преподаватель—Буданов. Ды сон секе жо эзь „прязно нейтизе амаштовикс преподавателекс, но роботы тосо те шкас. Февралень 13-це чистэнь Буданов педтехникумонт дошкольной II-це курсонть тонавтсь Фрейбергень кияганзо коряс: „сборник по истории классовой борьбы“ (Москов учпедгиз—1932 ие). Кортысь „ревизионизмадонть“, седе, кода оппортунистне (Беренштейн) коласть „Марксонь—Энгельсень тонавтомас социализмадонть. Беренштейн кортысь, што капитализмась бороцямовтомо, саметеком, реформань коряс, общинатнесэ сонсь касы социализмас. Книгасонть тень кувалт ульнест ильведкс. Ды Буданов эссе вите те ильведксэнь, теизе эщо седейк покшоке ды мерсь, што Берен-

штейн кортысь седе, што „социализмась касы капитализмас“.

Те корты седе, што педтехникумось преподавательтне марто ашти истямо берянь положенияс, што сон эрва кодамс случайной ды берянь „преподавательтнекак“ нолдасы коть кодамс курсов, коть кодамс предметэнь коряс.

Педтехникумонтень прорывентень лисемань кувалт, весе асатыкстнень маштомань кувалт кодамояк лезкс эзь максо Саранскоень горОНО-сь ды истя жо Наркомпросось. Сынь содыть педтехникумонт пек стака положениядонзо, но кодаткак мерат эзь прима. Оймасть сень лангс, што техникумонт роботанзо проверизе комиссия, каязе икелев директоронт аравтсь лия. Ды весе Но ведь тень эйсэ тевесь эзь прядово. Штобу парсте аравтомс педтехникумонт роботанзо, прядомс тонавтнемань программанть, тень кис педтехникумонтень эрва максомс пек покш лезкс. Ды те лезксэнь васняк должны максомс Саранскоень горОНО-сь ды Наркомпросось.

Е. Пятаев.

Саран ошонь комсомолонь комитетэсь оймась се лагис, што тейсь решения

Фомин те решениянть а топавты

Саранскойсь Мокшэрзянь педтехникумонт ды тосонь комсомолонь организациясонть ульнест зярня политической ильведкст ды извращения (антисемитизма, шовинизма, учительтне ютксо вейкествейкест марто севномат, винадо симеа, арасель паре руководства, кой-кона преподавательтне „уроко тейнест а виде толкованият ды лият). Весе неть асатыкстне лангс ульнест таргаз, примазь мерат сень кис, штобу парсте аравтомс педтехникумонт роботанть.

Февралень 7-це чистэ Саран ошонь ВЛКСМ-ень комитетэнь бюросо ульнест аравтозь вопрос педтехникумонт комсомолонь организациядонть. Те бюросонть ульнест тешкстазь техникумось комсомолонть роботасонзо пек покш асатыкст. Да, минек организациясонть ульнест. Комсомолось сезевель аволь союзной студентне эйстэ, овси арасель массово-политической робота, пек беряньста аравтозель политтонавтнемась. Ды сень кис, штобу лездеамс минек техникумонт комсомолонтень, парсте аравтомс сонзэ роботанзо, Саран ошонь ВЛКСМ-ень комитетэнь бюрось февралень 7-це чистэ решениясонзо мерсь: „Ловомс, што комитетэсь аволь сатышка лездеамс комсомолонь ошонь педтехникумонт комсомолонтень“. Сень кис, штобу теве ютавтомс педтехникумонт кувалт партийной контролень комиссиянть решениянзо, лездеамс техникумонт комсомолонтень, ВЛКСМ-ень ошонь комитетэнь бюрось мерсь, што „педтехникумонтень кемекстамс вейке кода аволь седе аламо шкас ВЛКСМ-ень ошонь комитетэнь роботник—Фомин ялганть, меремс тезз, што сон карми отвечамо техникумонт комсомолонт роботанзо кис“.

Теде мейле шкас ютась аволь уш аламо. Ошонь комитетэсь оймась

сень лангс, што тейсь истямо „кеме“ решения. Но те решениянть топавтоманзо кис кияк а бороця. Фомин же педтехникумонт комсомолонь организациясонть эзь ульнест ды овси кодамояк лезкс эзь максо.

Педтехникумонт комсомолонь организациянть положениязо пекстака, сонзэ роботаза а витеви, бути тензэ а максоме конкретной лезкс. Ансяк решениянть тейнест тевесь а витеви. Решениянть эрвавить топавтомс, кармавомс роботамо сеть, кодат тозонь кемекстазь.

Минек техникумонт ды комсомолонть ютксо пек беряньста моли политтонавтнемась Седейте эри истя, што пропагандистне сыть занятиянть ютавтомо, сынь а содыть, меде ды кода кармить кортамо, студентне икеле ансяк якс

Балданов чавны тонавтиця эйкакштнэ эйсэ

Б Березенской район. Судсеевкань начальной школасонть 4-це классо преподавателсь Балданов нарьги тонавтиятне лангсо. Бути тонавтиятнень мезеяк а чаркодеви, тень кис ды эщо лия мезеяк кис пижии эйкакштнэ лангс, эли кундасы пиледе ветясы кенгуш лангс ды тулхадсы ушов. Истя тейнест, примеркс, нилеце классо Серов, Алтынов ды лия тонавтиятне марто.

Теде башка, сон кармавты эскаст севномо эрзян ды рузонь эйкакштнэ, макстни тест шовинизмань мель превть.

М. Глобус

Об'едкин школав сакшны иредьстэ

Кочкуровань районсо, Ташто Мурзань аволь полной средней школасо д. Об'едкин немецень келень преподавателсь седейте школав тонавтомс сакшны иредьстэ, примеркс, февралень 19-це ды 20-це чистэст, сась школав—а кортавияк, кияганть а кирдевить. Эйкакштнэ пеелиль лангсонзо.

Директорсь соды, што Об'едкин иредьстэ сакшны тонавтомс, но эзь прима кодаткак мерат тень каршо, директорось сонськак седейте симеаши Об'едкин марто.

Зоркий



СНИМКАСОНТЬ: Ворошилов ялгась кортти лыжань переходонь участникнэнь марто.

ЛИТЕРАТУРАНЫҢ СТРАНИЦА

ЭМИЛЬ ПЯТАЙ.

Лемзеркс ало

Мон бажан вечкеме,
Мейсэ энэ од церап.
Седеем ээз кельме,
Вешы вечкезэ морамс.
Од шкам тундонь цыяк
Цвети мазы тывтэсэ.
Ламо кеняркст, кецякст
Эрямстон монь кедезэ..
Мекс мартот а налксемс,
Кода а кутморямс,
Мекс бу тонь а палсемс
Ды никс саемс, Оря?
Тон жо тонь а кемат,
Нать пелят манятан..
А тень кис вечкемат
Карминь, чей, содат тон?..
Ды кундатотсэ келем,
Кургом ээз автневе,
Валтаэ емасть.. Мелем
Весе ээз евтневе.
Вечкевикс тейгерем
Маласон озадо,
Вадяшкавтнесэ черень,
Конат аште-ть стядо.
Ежозон пек неждясь
Ды сонсэ вансэ сельмезэнь.
Неявсэ, прок пек кеждясь,
Учинь, евыт мезе..
Вельксэнек сатыместэ
Чокшнэсэ вев уш айгиль.
Васолдо, велестэ
Маряветь моронь вайгельть.
Икеленек эрыксэнь
Укшносэ валдо ковось.
Каль таратнэ ютксо
Вешкэсэ, морасэ цековось.
Перьканоз лем-чувтнэнь
Алов нургастэ тарадост,
Цецинетне увтнезэ
Алов стака прыдост..
Оря тезэ макснэзе
Кедензэ. Сонсэ ракасэ.
Чамазо прок инзей,
Пси вереза лакасэ.
Налксемсэ сэнэ сельмензэ,
Комасэ монь элезэнь,
Юкстевэсть паця пензэ.
Чольдергадэс келёзэ.
Пек вечктян.. Мейсэ пелят
Валом тетэ макснэ
Улко. Но икелет
Честной-чим ванстыя..
Содан, тон зярдыя
Кармись монь вечкеме.
Мартот лясинь тия,
Монсэ жо эзинь кеме.
Котэ мартот тей сылинь,
Но эйтэтэ пек пелинь.
Ды эскан арысинь—
Аштян кичь икеле.

Артур моро.

Эщо одан

Эщо одан, учан вастома.
А цидярдан, кодамо весэ!
Ютазэ читнеде эзинь кома,
Эйсэ лаки од шкань виесь!
Тумонь прызо сияжды люстракс,
Ковосэ уи сырненэ павлинкс.
Вармасэ моразевсэ даратустракс,
Лампасэ раки кельтеме кимс.
Локсей пухокс адавось ловосэ,
Ойме кошто кепети сон.
Седей вачкодэкс те шкане ловосэ,
Кодат арсемат ней прысон.
Эрсекини ли истямо шкасто
А паро ве, а шожда лов,
Коли тонсыкак теэз лапасто,
Ливтявлять орелкс кутэ бу ков?
Эрсекини ли а млызый се,
Кона вечкеви покш седейсэ,
Конанэ кис максыть весе,
Ансяк час улелель вейсэ?
Эрсекини ли седе уцякав,
Кона вечки ежонзэ пес,
Валь мельга а сови каськав,
Оймензэ максы од нес?
Цидярдат ли а учоманзэ,
Коли одат прок комсомод?
Пси паламо кандыть турванзэ,
Седеезэ вечкемань тол.

Мартон тей тон сылтыть,
Вал мон а евытинь.
Мезе тень максыныть,
Салава ертытинь.
Пелинь, эзинь кеме..
Монсэ весе седейсэ
Пек карминь вечкеме
Салава тонь эйсэ.
Од седеем лакасэ,
Арысинь, кода улемс,
Тонь ваксто пек стакаль
Эрва чокшнэ тумс..
Меремс—вечктян,—виздинь,
Кода бутэ пелинь,
Арысинь эрва мезде..
Пачкэ ульнитэ икелень..
Ансяк улконь вестэнь
Седеем ээз кирде
Ды меринь тетэ сестэ:
Вечктян, улят мирдем..
Монсэ жо седе мейле
Пры тетэ эзинь невтне.
Седеем пштикст пельнесть,
Прысон чарастэ превтне..
Ды поводсэ киргазон,
Кармасэ кутморямон..
„Кувать салавине
Майсевтинь эсэ прям мон.
Но ээз сато вием..
Монсэ тердитынь течи.
Ней вана седеем
Киздай кода кеци.
Кода бу тетэ меремс,
Кода евтнемс мелень..
Честной од тейтерекс
Аштян тонь икелеть..
Улян ялгаксэ, никс тетэ,
Штобу эрямс вейсэ,
Тетать, авать пингстэ
Пек вечкемс тонь эйсэ..
Ды палсэменэ кармасэ
Штекасэ, конясэ, турвасэ.
Те шкань летке варма
Эрыкентэ ендэ пуvasэ.
Лемзерксонь таратнэнь,
Сорновтынэсэ лопасть
Сех алсе наряднэ
Лангозонок токасть
Чольница цековосэ
Ливтасэ малазонэ.
Сэнэ менельстэнь ковось
Вансэ прок лангозонок.
Апак повня, палсезэ
Кутмордыя орянь.
Пси, седеем налксемсэ,
Емасэ ризксэм горям..
Сон ней монь.. А сайсы
Никс кияк уш лия..
Те вентэ эрыкентэ крайсэ
Ульниек зырсня.
1935 ие, январень 4-11-це чить.

П. ГАЙНИ

МИНЕРЕ

(Поэмасто саявкс)

Ашто шелконь суреть
Свежа коштсонть нурить,
Чинь срунатне толонь
Сурбунат пачкаст.
Чамастэ паксятне,—луводэть,
Ансяк тия-тува
Колхозниктне олгонь
Покш ометт вачкасть.
Сыреждиця жиниванть
Трокска апазэ киванть
Чаронь кикстнэ сталень
Полосаксэ цитнить.
Буто тундонь шкане
Парсейксэ палы маней.
Те туяця кизэсэ
Пулты меельсэ чить.
Тюжолэ паксяванть
Валовсэ каштонь лава,
Сравтовсэ ине келе,
Стясь певтеме сэрэ.
Саран ошонть пелесэ
Бойкасто эскелэ
Паця сюймо марто
Уставна тейтерь.
Прок удалдо вармасэ
Тылкадеменэ кармасэ,—

А. Я. Семенов

ВУЗ-ов туемстэ

Чинь чоп течи аштинь
Мон седеенэ кундазэ.
Вальманть пелесэ шаштынэ
Варштынэ сельведь холдазэ.
Неявсэ вере лугасэ,
Пижэ пичинитне,
Ды варминесэ пувасэ
Нурястэ тикшинетне.
Исяк самай сесэ
Кудряв пичентэ ало
Рита марто вейсэ
Кортниек минь ламо.
Зиярдо пшкадсэ сон чевтэстэ
Эль тон а вечксамак?
Эзить тукшно мельстэнь,
Тон натэ ней кадсамак?
Ды путызе прынзо
Элезэнь чевтэстэ,
Сельме утолганзо
Тустэ сельведтэ лембестэ.
Сестэ пшкадинь тензэ:
Рита, мезтэ тон тейнят?
Ды кундынэ кедензэ,
Мейсэ истя тон эльнят?

Тонь ансяк мон сыкамот
Вечктян превтеме—
Лията кортамот
А кортамс певтеме.
Ошов мон ней туян
ВУЗ-ов тонавтнеме,
Ды студентэкс улян,
Карман тонь ледстнеме.
Мейле таго вейсэ
Тонь марто ульдяно,
Кемтэ жо тон монь эйсэ
Ней ады туйдяно.
Рита марто стинек
Кудряв пичентэ алдо,
Састыне сырланек.
Появасэ уш валдо.
Кирвайсэ валксенэ зорясэ
Вере луга вельксэньтэ,
Шлятозэ—шлятоцэ горясэ
Монь ризны седейстэнь.
Минек таркасэ кадосэ
Цецяв, мазы лугасэ—
Цветясы инзей садосэ..
Ды варминесэ пувасэ.

М. П. Поляев

Морак, вайгель

(Частукат)

Седейсэ, седейсэ балалайка,
Налксемс мазы вайгельсэ,
Мон рынгстан моро тонь мельга,
Кона палы седейсэнь.

Урнезэ урян балалайкасэ,
Толкэ кирвайсэ монь седейсэнь
Кунсолодо од ломантне,
Пилексэ пштитэ анокснэнь.

Ламо менельсэнь таштнеде,
Зоря тештеэсэ сех валдо.
Монь вечкемам комсомолка,
Тыкэ коряс ламо соды.

Морак вайгель—лия машто.
Од тонь рангстак алак пель,

Велентэ келес пштитэ гайгекс,
Таштонь паник пеле-пел.

Авасоло Ягрань Матвей
Букаксэ маряви парн.
Сон лишенец, поповь цера,
Ташто моронзэ морн.

Мон виевстэ од моросо
Ташт моротнэнь пест маштнеде,
Весе од ломантнэнь мелест
Одонь койсэ витнеснэнь.

Апак визде морак, вайгель
Од гайгеманьтэ васов пачтэ.
Ташт моротнэнь, мезе ули,
Апак жала весе машт.

В. РАДИН.

ВАСЕНЬ ЛОВ

Паксясь—тенсезэ тинге.
Лугасэ—тюжа нар.
Виресэ сыре пингень.
Оршасэ уш панар.
Леесэ—кекэй атя.
Таласэ берек мештэ.
Валксесэ апак фатя,
Эентэ алов кешсэ.

Ожо платиянзэ,
Каизе роштысь.
Таргине сянзэ,
Ды маргон проштысь.
Вальманть ало калесэ,
Поводсэ сянэнь повт.
Менель пестэ, пелесэ
Ливтасэ чевте лов.

Пельсэ молезэ, пельсэ чиезэ
Тейтерентэ сасан.
— Учумака, эрька,
Весела тейтерька,
Ведэ ашти веенов
Молема кинек
Минь те киньтэ—куваканть
Веселастэ раказэ,
Седейшкава кортнезэ
Нурьканьгавтснэнь.
Евтык, кода леметь,
Бов сырнуть молема
Ды эсэ эрямодт
Мезеяк евынек..
Отвечасэ—тейтерькасэ —
— Монь лемем Минерька..
Ды велаятсэ пелесэнь
Сельмезэ сэнэ повтне.
Нетэ сельтнэнь потмазсэс
Буто розэ паксясто
Кавто сенеждиця
Розэ цецят ваясть;
Эли тундонь шкане
(Зиярдо палы маней)
Светиця менелесэ
Сэнэ сулейтэ каясь.
Алкусказ шождине
Вейсэ молезэ кинек.
Прок а тонсэ, прок лия
Ки пилытнэнь ертни.
Тейтерсэ эсэ прыдонзэ,

Эсэ эрямодонзэ
Лембе, чевте валсо
Монь марто кортни.
— Писэсэ бутрав тумансо
Артасэ сыртызэ чинть.
Мон розэ ума лангсо
Нумолкаксэ шачинь.
Секс сельменэ, прок цецят,
Ванькст, валдот ды сэнть,
Што сэнэ ведесэ петядсэ
Эйзэс менельстэнь.
Секс вечксынэ паксясо
Лийница розьтнэнь,
Парсей цекэ лядсо
Новлезэ колостнэнь,
Што уцякасэ тозонь
Мазы розаксэ лиссэ,
Што тосо колхозонь
Патней паро-чисэ.
Вант, коданя паксясь
Ней валакавтозэ,—
Буто парсей паця
Келесэ сраптозэ.
Сон аволь пек умок
Теевсэ истямокс.
Сестэ, зиярдо увнозэ
Мезань-мезань трокс.
Янлизэ паксянь келентэ
Кшнинэ пилысэ тракторт—
Колхозонь—од веленэ
Ине вий айгорт

ТУНДОСЬ А УЧТНИ КАДОВИЦЯ КОЛХОЗТНЭНЬ МУРЗАНЬ КОМСОМОЛЕЦТНЭ ЭЩО ЯЛА ЭЗИЗЬ ВИТЕ АСАТЫКСТНЭНЬ

„17-й с'езд партии“ колхозон- тень кадрат „а эривить“

Кочкуровань районсо Пакся Тавласо „17-й с'езд партии“ колхозонтень прок мерят овси а эривить тунда видема шкантень массовой квалификацинь коряс кадрат: яровизаторт, звеньеводт, селяксо ви дият, рана видият ды лият.

Колхозонь правлениясь тень кис овси а мелявты. Секс эсть организовашно кадрань анокстамонь коряс кружокт.

Тосо арьсит истя, што сынъ веде икелеяк роботасть ды улить ломанест, конат маштыть роботамо. Сынст ней а мейс одс анокстамс, лият а эривить, икелень роботниктняк весе тевенть тейсызъ.

Ояз.

Крупская лемсз колхозось тундонть ай аноксты

Семилей велесэ (Кочкуровань район) Крупская лемсз колхозонь правлениясь сези тунда видемантень анокстамонь. А содыть, яро-плугост, изамо, селякст улить косот сынъ, яро эривить. Овси эсть свартне витнемас. Сбруить эсть анокста. Лишметне, сбруитьне, машинатне, бригада да звенава апак яша. Бригадатнева ломаньтне а содыть, кодамо тевсэ кармить роботамо. Овси ай арьсит яровизациянь ютавтомо, рана видема ли семе.

Лишметне колхозонтень берянтъ, секс, што сырт кис а мелявтыть, арась мелгаст паро уход.

Парторганизациясь ды колхозось овси местькак а тейнить тундонть анокстамонь кувалт. Колхозонь председателесь ды правлениянь лия члентняк аняе симить винадо.

Пшти вайгель

Надькин ды Сарайкин— бездельникт

Кочкурова. Пакся Тавлань ды Вирь ало Тавлань комсомолонь организацияне аняе лововить конев лангсо. А роботыть. Хозяйственно-политической кампаниянень ютавтомасо участия а примить.

Пакся тавлань организациясонть, косо комсороке роботы Надькин П., кавто ковт арасельть комсомолонь промкст, арась политгонавтнема, а ветапи воспитательной работа од ломантнень ютксо.

Вирь ало Тавласо иень перть арасельть комсомолонь промкст. Сарайкин комсорогсь мик а сода-сынзе зяро ды кить комсомолецнэ.

Зярдэ жо кармить неть кавто организацияне роботамо. Месть думить Надькин ды Сарайкин комсорогтне?

Кочкуровань ВЛКСМ-нь райкомонтень ды таркань парторганизациянень эриви варштамс неть организациятнень лангс.

С. Д. П.

„Од эрямо“ колхозось анок паксяв лисеме

Од Мурза велесэ (Кочкуровань р-н) „Од эрямо“ колхозось анок коть нейке лисеме паксяв видемет.

Колхозонтень плугонво сатыть ды весе сынъ витнезъ парсте. Плугтнеде планонь коряс эривить 65, анокстазъ жо 85. Анокстазъ 12 селякат, 120 полотнат изамот (60 кш-нинь ды 60-чувтонь). Сокамо, изамо, видема шкантень анокстазъ 85 покш валект ды 170 вишка валект. Сатышка анокстазъ лият инвентартъ ды сбруить. Лишметне справнат. Ды ней эщо седеяк пар-

сте аравтозъ сынст мелга уходось. Лишметне, машинатне ды инвентартне явшезъ бригадава, звенава, кемекстазъ ломаньнен, конат кармить вйсэст роботамо.

Видьметне весе сортавазъ. Колхозось анок коть нейке кармакс рана видема. Роботниктнэ колхозонтень сатыть, ули весе эривис кадратне.

„Од эрямо“ колхозонтень примеранэ эриви саемс, лия, сех пек уда-лов кадовозь колхозтнэненъ.

С—Н

Асатыкстнэненъ илязо уле таркаяк


КОЧКУРОВАНЬ РАЙОН. Ташто Мурзань „Труженик“ колхозось основноистэ а беряньстэ аноксты тундонь видемантень. Улить бригадат, конат нейке ушкоть лисест паксяв-видеме. Вана, примеркс, КУДРЯШЕВ ялганть бригадасо, сон сехте вадрясто колхозонтень анокстазъ тундонть. Кудряшев ялгась-ВКП(б) нь членс кандидат, парсте толковизе эсинзэ бригадань колхозниктнэнь туртов урожаень кепедемань задачатнень. Секс сонзэ бригадань колхозниктнэ аравтсть икелест за дача — ВАДРЯСТО АНОКСТАМС ВИДЕМАНТЕНЬ, ПАРСТЕ ДЫ НУРЬКА ШКАСТО ЮТАВТОМС СОНЗЭ.

Велень хозяйствань инвентарень витнемасъ, видьмень анокстамосъ „Труженик“ колхозонтень молитъ а беряньстэ. Теке марто колхозонтень улить знярыя АСАТЫКСЭНЗЭ. Ветече ды нилеце бригадат несэ, БЕРЯНЬСТЭ аравтозъ видь-

мекс сюротнень ВАНСТОМАСЬ Тосо сторожтнэ сеедьстэ каднотсызъ „удомо“. Колхозонтень лавшосто аравтозъ КУЛЬТУРНО-МАСОВОЙ РОБОТАСЬ, конань значениядонзо кортамскак ламо а сави. Вана, примеркс, Мурзасо арась сатышка работа колхозник-ударниктнэнь 2-це сездэнь материалтнэнь проработканть кувалт. Но веде колхозниктнэ пек бажить ПАРСТЕ содамс сездэнь решениатнеде.

Мурзань колхозонь правлениянень, партиянь ды комсомолонь организациятнэненъ эриви не асатыкстнэнь маштомантень ЯВОМС ПОКШ МЕЛЬ. Тундонь видемантень анокстамосъ молезэ АЛКУКС вадрясто, штобу асатыкстнэненъ ИЛЯЗО УЛЕ КАДОВОЗЬ ТАРКА. Сестэ аняк Мурзань коммунистнэ ды комсомолецтнэ добувить успехт видемантень анокстамосонтень.

ЭСИНЕК



СНИМКАСОНТЬ: Аэронурдтнэнь ваннома (Москов ошсо)

Культурной потребностест а топаवтовить

Ташто-Мурзань од ломантнень беряньстэ топавтовить культурной потребностест. Те шкас эщо апок организова сынст культурной оймсемас. Велесэнь клубось, якстере уголоктнэ беряньстэ роботыть, а организовить од ломантнень эсис перька. Потребкооперациясь од ломантнень культурной потребностест овси а вети, ашти ве пеле.

Потребкооперациясонть аравть ды а эрять культтоварт. Зярдояк а неят истят культурной вешат, кода сапунъ, пеень урядомонь порошкат, щеткат ды лият. Истя

жо аравть кооперациясонть музыкальной инструмент ды художественной книгат.

Кооперациянь роботниктнэ овси а заботить тень кисэ штоб у лавкасонтъ улелеть культтоварт ды топавомс од ломантнень культурной потребностест.

П.-Н. Трефик, Голубка

Отв. редакторось—М. ЛЮПАЕВ.

Главлито № 181. Заказ № 497 Тираж 1600

г. Саранск, типография „Красный Октябрь“ Мордгиза

Редакциянь адресэзэ: Саранск, Володарская, 34, ред. „Лен. княва“. Тел. № 21

ПРИЗЫВНИКТНЭ АНОК- СТЫТЬ ВАДРЯСТО

Ичалкань районсо парсте чарь-кодизь оборонной роботанть, секс сынъ дружнасто кундасть Якстере армияв 1913 иень шачовт призы-вентень анокстамо.

Ичалкань районось РККА-нь 17-це годовщианть лемсэ произ-водственной походонтень сюлмавозь добовасть парт показателть. Допризывниктнэнь ютксо грамотас а содамонт маштызъ 100 проц., ала-модо грамотнойтнэнь ютксо 82 проц. Те эривикс оборонной роботась ютавтови районной военизированной учебной пунктсо, косо парсте те-езь-клубось, класетной комнататне, кухнясь, столовоезъ ды лиятне.

Призывниктнэ тонавтнизъ советанъ 7-це с'езданъ ды ударник колхозникнэнь 2-це с'езданъ итогтнэнь. Февралень 4-5-це читнестэ ютавтозъ 1913 иень шачовт призывникнэнь конференция. Те конференциясонть призывниктнэнь эйстэ явовсть бригадат видемантень анокстамонь, лишме мелга якамонь ды ОСО-нь 9-це лотереянь явше-манть кувалт.

Весе саредия допризывниктнэнь кармасть лецамо.

Грамотас содыця допризывниктнэнь марто райцентрасо ульнесь ютавтозъ военно-технической экза-менс зачетонь максомс.

Учебной пунктсо допризывниктнэнь ютксо келейстэ ветапи культ-массовой роботась. Сеедьстэ призы-вниктнэненъ невтнить кино-кар-тинат, тинить концерт, живой га-зетат.

Ичалкань учебной пунктсо, во-енной отделась ды ВЛКСМ-нь рай-комось эсь лангост конкретной обязательствань саезъ ды боевойстэ сынст топавтозъ тердизь соцпелк-стамо Саранской ды Ромодановань райотнэнь. Неть райотнэнь марто пелькстамосонтъ васень таркась ашти Ичалкань райононтень.

Оборонной роботанть кувалт Ичалкань опытась эриви саемс весе райотнэненъ.

Военный.

А мелявтыть педагогиче- ской практиканть кис

Саранскоень педтехникумсонть пек беряньстэ аравтозъ III це курсо тонавтицияне ютксо педагогической практикась. Арась педпра-ктиканть теориянь марто сюлма-монь единства

Студентнэ якить уроконь максомо. Сынст марто жо арась методист. Методической тевенть ветамо аравтозъ И. Н. Колосов, но сон а мелявты сень кис, штобу парсте аравтомс педагогической практи-канть. Студентнэнь педпрактика-сост эрить эрва кодат асатынест ды ильведькст. Сынст жо вияк а евты, а невити, кода седе парсте эриви робтамс.

Сеедьстэ педпрактикасонть зярня част ютнить истяк, мезеньгак апак тейне. Вана, примеркс, февралень 25 чисэнтэ студентнэ практиче-ской роботань ветамонь таркас 3 част якасть базарга.

Гна.